



EN/02/April-May/2025

BELIEVERS EASTERN CHURCH

World Headquarters, St Thomas Community
Thiruvalla - 689 103, Kerala, India

KELNGOICHINGPA LEKHATHOT

April/May 2025

Ka ngailut tah Kelngoiching holeh Houbung theng dia tahsan umtah ho chung'ah

Pakai le Huhhingpu, Jesu Christa a konin Lungset, khotona le chamna chun na umpi jing tauhen ✠. Amen.

Tu nikhoa keiman nangho henga i-houbung'u thusim thil khohtah lungthima ina ngaito diu thilkhat kahin seinom in ahi: hichu a umtalou eiho lhagaova ipau Metropolitan Athanasius Yohan I, tonsot a dia akicholdo geldohna May 8, 2025 nikho chu ahi.

Hiche hi atahbeh mongin i-lamkai pauvin hiche leiset chung a eidalhah uhi Houbung dingin hahsatah chu ahi, hinlah ama hetjingna phat lemchang inei thei jeh'un ikipah uve. Ka sahlut tah sopite ho henga katemna nompen chu Metropolitan masapa hinkho man banga eiho jong aman eihilna bang'un ihinkhou vah khonung'a hung seilen dingho jong seipeh son ding gou hite. Hiche mopohna hi pohgih ahipon hinlah khat le khat pohgih kihutona leh kijatonan lojou hite.

Tulai tah hi Houbung theng'in Ipau, Metropolitan Athanasius Yohan I, akhat veina hetjingna kingon manding a ikigot jinglai tah'u ahi. Chule eiho jong ibonchauvin hiche kintheng imanna diuhin lungthim leh lunggel'in kigong cheh'u hite. Hijeh chun houbung mite jong hiche nikho hin kipun khomin Hingjing Pathen koma a-umtalou lhagaova ipau thilbol ho jallin thangvahna le taona mangkhom uhite. Hiche hi thil dangtoh mehbeh'a kingong louva a-umtalou Metropolitan pa thilbol natoh ho, geldoh'in ngailutna le khotona toh thoa vannoiyin angaichat ho anatoh'a tongdoh dingin pan lau hite.

Lhagaova napau hina jallin, kahin temna nom penu chu ahileh a umtalou ipau Metropolitan hinkho mandan ho eiho hinkhoa jong chutobang chun nikho khatseh tho hilouva nitin hinkhoa itho diuvn kahin tem uve.

1. Khotona leh Thilpha bolna: A umtalou ipau lungchang tongkha penchu neh ding chah ding neilou ho, ana damlou ho, gelphah a umlou ho, chule Christa'n amaho angailut bang'in aman jong ana ngailun ahi. Chujeh chun, ama hetjingna nikho hin, thilpha bolna thilpeh, damlou vilna leh imihem chanpi panpi ngaiho chung a thilpha boltei dingin temna kahin neie.

2. Niseh Taona leh Anatohna: A umtalou ipau chun Houbung mite eina tilkhounau chu Houbung sunga tantih neilouva taojing ding chule Pakai Jesu Taona nitin hinkhoa nei jing ding chu ahi. Eihon jong taona hinkhoa nitina changval a hihen, insung taokhomna hihen, Pathen houkhomna chule Pakai Jesu Taona hoa kitah tah a hatjo cheh'in pang u hite.

3. Hou-inn kaina leh Kikhop khomna: A umtalou ipau chun houbung theng'a dingin alungthim jouse le choltih umlouvin houbung anaphut doh'in ahi. Aman thu golkhat anasei jing chu, "Houbung ding Gel'in/ngaiton" tihi ahi. Eihon jong I-Houbung machal khantouna dingin aman atoh ho tong jom jing ding'in lung le tha chule kipehna lamin ponpan jing uhite. Houbung ipan theinau lampi simjou lou Pathen natoh na lama toh theina lampi alen aneo agomkom tampi ineiye – hichu Mission sunga events kimanna hoa, houbung ministry natohna hoa pan lahnan jong pang jing uhite.

4. Khonunga Khompi hung hiding ho Venbitna: A umtalou ipau chun khonung'a hun seilen ding chapang khangdong ho phat jousen amasapen in ana agelkhoh jinge. Hiche jong hi Houbung theng in, khonunga khompi hung hiding ho; Sunday School, Believers Khangdong ho, Numei kiloikhom WF ho le adang dang ho dia vetjui thei dingin pan lajing uhite. Metropolitan masapan, Houbung lim ana semtoh bang chun eiho adamna lai chengin jong aban houbung hintheina ding lung gelkhom uhite.

Ka sahtah teho, katemna nom pen chu athu ja-a ngai maimai hilouva anatoh a podoh mite joh hiute. A umtalou ipau Metropolitan Athanasius Yohan I lungput chu eihon jong ilungthim pumpiuvin bantha je khom'u hite.

Chule geldoh thei khat chu, eiho hi Jesu khut le keng chule kam hiding leh, miho jen ding chule Christa lim le mel'a seal kinam ihitau ve. Chujeh chun Christa nun chan tho mite ihiuve.

Ama hetjingna hi tonsot a ding hita hen!

Pathena mithum theng; Apa, Acha. Chule Lhagao Theng puihoina, khotona le hepina chun tule phat jousen naho dam jing tauhen ✠. Amen.

Keima napau ngailutna le taona toh,



Moran Mor Samuel Theophilus Metropolitan

P.S: Please make sure this is translated into all regional languages and read in all parishes for the encouragement of the faithful.

Date: 15 April 2025

Place: World Church Headquarters